

**Date – 20/03/2026**

**Time - 7:30 -7:40 Hrs**

**AKASHVANI AIZAWL**

**REGIONAL NEWS BULLETIN**

**HEADLINES (MORNING)**

1. UD&PA Department buatsaih zirlaibu, uniform leh zirlai kaihhnawih bungraw inthleng tawna Swap & Save chu Mizoram chhunga District hrang hrangah hlawk taka hman a ni.
2. Mizoram sawrkar flagship programme Bana Kaih chungchang inzirtirna leh mipui hriattur pawimawh inzirtirna chu Lunglei leh Champhai District ah hman a ni.
3. Prime Minister Narendra Modia chuan Oman, Jordan, France leh Malaysia hrulaitute nimin khan a kawm.
4. Assembly inthlanna tur state leh UT ah te inbuatsaihna a kalchho mek.



**SWAP & SAVE**

UD&PA Department buatsaih zirlaibu, uniform leh zirlai kaihhnawih bungraw inthleng tawna Swap & Save chu Mizoram chhunga District hrang hrangah hlawk taka hman a ni.

Aizawl ah chuan Swap and Save Campaign hi March 9 khan kalpui tan niin naktuk March 21 hman tur a ni dawn a, Nikum khan Swap and Save Campaign hi Aizawl veng 7 leh district headquarters tinah neih niin mipuiin an hlut hle a, nikuma campaign neih chhunga bungraw lut zawng zawng chu 20,386 niin chhuak zat chu 12,596 a ni.

Kumin hian Centre hi Aizawl khawpuia veng 8 ah leh District headquarters tinah hawn a ni. Heng Centre ah hian zirlai naupang session thar kai mai turten an zirlaibu hman tawh loh, uniform hak tawh loh leh zirlai kaihhnawih chu a mamawh te tan pe in a hmang tangkai tur ten an hman nawn ve leh theih nana awlsam zawk leh a thlawna an lak theihna tura duan a ni a, Heng centre te hi Aizawl ah chuan Govt Multi-utility Centre Thakthing, AMC Plaza Bawngkawn, Sanitation Site Office Tuikual, Dawrpui Middle School, Local Council House Vaivakawn, Durtlang North, ITI leh Community Hall Armed Veng South ah awmin naktuk thleng hawn a ni ang.

Lawngtlai ah chuan DC Office tual-ah Swap & Save hi Lawngtlai SDO (Sadar), Pi Margareth J. Vanlalremmawii'n a hawng a. Sorkar laipui ruahman-a ram puma faina beihpui thlak thawh hnihna Swachh Bharat Mission (Urban) 2.0 hnuaiyah Triple R ti-a hriat Reduce, Reuse, Recycle chu UD&PA Lawngtlai pawhin theihtawpin an kalpui thu a sawi. Lawngtlai a Swap & Save kalpuiah hian zirlaibu

leh uniform te, thawhnaw leh thil dang tha tak tak thekhawm niin, hengte hi a mamawh apiangin a thlawnin an la a, naktukah chhonzawm leh tur a ni.



## **AMC ELECTION PREPARATION**

Aizawl Municipal Corporation inthlan neih tur atan political party ten theihtawp an chhuah chhonzawm zel a.

Nimin khan kan corr chuan Aizawla political party hrang hrangte pisa a tlawh kual a, ZPM General Secretary-a GAD changtu Pu Eddie Zosangliana Colney chuan Aizawl Municipal Corporation-a ZPM ticket a ding turte chu karleh thawhtanni March ni 23-ah puanzar a ni dawn a ni a, AMC inthlanna neih turah an inbuatsaih that bakah an party ticket-a ding turte pawh veng tin a uluk taka an thlan chhuah an nih thu a sawi a, ZPM sorkar chu tun dinhmuna an chet that avangin AMC inthlanah pawh an chet that a rin thu leh inthlan hun puan a nih hnu pheii chuan ngawrh lehzual a tan lak an tum thu a sawi bawk.

Pu Eddie Zosangliana chuan ZPM-in AMC inthlan a sorkarna an siam thei a nih chuan Aizawl khawpui chu Aizawl thar “New Aizawl” ni thei tur khawp a siam an tum thu a sawi bawk.

Mizo National Front MNF Vice President leh Dampa bialtu MLA ni bawk Dr. R. Lalthangliana chuan, MNF party chuan AMC inthlan lo awm tur atan an party candidate tam zawk te chuan nikum lam atanga ngawrh taka hma an lo lak tawh thu leh sorkarna siam leh ngei tura beiseina lian tak an neih thu te a sawi a, General headquarters bakah block leh unit-ah te AMC din tu an nih ang a AMC thil tum dik tak, a dinchhan ti hlawhtling tura Aizawl mipuiten a beisei ang a sorkarna siam leh ngei tura theihtawp an chhuah tur thu a sawi.

Mizoram Pradesh Congress Committee Vice President Pu RL Vala chuan Aizawl Municipal Corporation a Congress candidate-te chu khawtlang leh kohhran a mi tangkai tak an nih thu leh bial tin chuh kim vek a sorkarna siam thei tura tan an lak tur thu a sawi a, Aizawl Municipal Corporation chu mipuite ban phak ni tura hmel thar put tir an tum thu leh sorkarna siam thei tur khawp a theihtawp an chhuah tur thu a sawi.

BJP Mizoram State General Secretary leh Mara Autonomous District Council-a MDC ni bawk Pu Delson Notlia chuan AMC inthlan lo awm tur atan manifesto committee bakah search committee-an din thu leh tum sarhi lai search committee-te hi an thutkhawm bakah candidate hming thenkhat pheii chu national party an nih angin central lam pawmpui tura Delhi lamah an thawn thlak thu a sawi a, AMC inthlan lo awm turah BJP candidate-te thlan tlin an nih pheii chuan sorkar laipui a a fawng chelh lai an nih angin sorkar laipui chuan Aizawl khawpui tihhmasawna atan leh Aizawl khawpui harsatna sut kian nan hma an lak tur thu a sawi bawk.



## **BANA KAIH**

Mizoram sawrkar flagship programme Bana Kaih chungchang inzirtirna leh mipui hriattur pawimawh inzirtirna chu Lunglei leh Champhai District ah hman a ni.

Champhai ah chuan Circuit House Conference Hall-ah workshop hi neih niin Adviser to CM Dr KC Malsawmzauva chuan mi tin sawrkar hnain a daih tawh loh avangin kutkawih eizawna chu ngaih pawimawh a hun thu leh hmasawna rabbi rap tura puih tlak ni tura, mahni in tanpuia rilru siam thar a tul hle a ti a, project hrang hrangte chu bank kalphung zul zuia tih a nih avangin monitoring leh document tha neih a pawimawh thu a sawi bawk.

Lunglei ah chuan DC Confe.Hall-ah Mizoram Bana Kaih Scheme hnuai hma lakna thlir hona leh hma lak zel dan tur zir ho a ni a, He hun hi Lunglei DC Pi Navneet Mann chuan kaihuaiin, Bana Kaih Phase-I chu Lunglei District-a deptt, bank leh mipuite'n an dawnawn that thu leh progress partner mi 300 lai ziah luh an nih thu sawiin, mi eng emaw zatin he scheme avang hian ei zawna ngelnghet leh tha zawk an neih phah tawh a ni a ti. Bana Kaih Scheme hnuai Loan rulhna a pung a tlem bakah sorkar-in a rulhsak dawn a, bank te pawhin awlsam zawkin loan an pe chhuak thin a ni tih sawiin Bana Kaih Phase-II kalpui mekah a tam thei ang berin loan dil tur leh Bana Kaih Scheme Phase-II-ah Lunglei District atangin progress partner tam zawk thlan chhuah ni se a duh tih a sawi.

Mizoram Bana Kaih (Handholding) Scheme Phase-I hnuai Lunglei District chhungah deptt 10 kal tlangin progress partner 42 hnenah loan cheng nuai 234.4 pek chhuah tawh niin, CM's Special Package hnuai progress partner 368 hnenah cheng nuai 288.27 pek chhuah a ni.

<><><>

## **MCHP GENERAL CONFERENCE**

Ni hnih awh MCHP General Conference vawi 13-na chu Siaha MLA Dr K Beichhua chuan a hmanpui a, mitin te inmamawh tawn annih avangin inlungual taka khawsak ho a pawimawh thu a sawi.

Mara rama Hmeichhe Pawl lian ber Mara Chano Py (MCHP) General conference vawi 13-na hi Council Vaih multipurpose Hall ah hman niin Khuallian Dr K Beichhua chuan mihringte chu a huhoa khawsa a, inmamawh tawn annih avangin inhmangaih leh lungual taka ram leh khawtlang tana thawk tur anni a ti a, Kumin conference thupui - Chi, hnam leh tawng humhalh chu hmeichhia te mawhphurhna a ni tih chu conference zawh rualin a taka hmang tu ni tura tan la nghal turin a chah bawk.

Conference hi vawiinah chhunzawmin chawhnu lamah hruaitu thar thlanna an nei bawk ang.

<><><>

## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

## PM

Prime Minister Narendra Modia chuan Oman, Jordan, France leh Malaysia hruaitute nimin khan a kawm a. An inbiak dan hrang hrang Social media lamah tarlangin Pu Modia chuan West Asia-a boruak sosang zel tidai tura hmalakna chu a sawipui ber niin India chuan inbiakna, indawrna leh remna kawng zawn chu a tum ber anih thu a tarlang a ni. Pu Modia hian Oman leh Jordan hruaitute chu an rama India mi tangkhangte himna tura an puihnaah lawmthu a sawi a. Oman lal Haitham bin Tariq-a hnenah Oman zalenna leh mahnia inrelbawlina palzam sak a beih a tawk chu a dem thu a hrih bawk a ni.

Pu Modia hian jordan lal Abdullah II nen inkawm bawkin West Asia-a hmasawna ruhrel pawimawh energy siamna hmunpuite beih a ni chu a dem thu a hrih a. Jordan leh India chuan bungrua leh energy him taka phurhkual an ngai pawimawh tih a sawi lang bawk a ni.

Pu Modia hian French President Emanuel Macron-a nen remna leh muanna siam tura thawhdun chhunzawm zel an duh thu a sawi bawk a . Malaysia Prime Minister Anwar Ibrahim nen pawh West Asia boruak inlumlet mek an ngaih pawimawh thu an sawi a. Pu Modia hian Pu Ibrahim hi Eid chibai a buk bawk a ni.

<><><>

## ASSAM ELECTION

Assembly inthlanna tur state leh UT ah te inbuatsaihna a kalchho mek a. Political Party hrang hrangten an candidate tur an puang chho tan a.

BJP chuan West Bengal an candidate 111 hming an tichhuak leh a. Puan tawh angin April ni 23 leh ni 29 ah Assembly inthlan hi thawhnhniha neih a ni ang. Assam Assembly inthlan atana candidate first list hming 88 an tichhuak bawk a. Chief Minister Dr.Himanta Biswa Sarma chuan Jalukbari Constituency a chuh dawn a. Lok Sabha MP hlui Dr.Rajdeep Roy chuan Silchar bial a chuh dawn a. Rajya Sabha MP nilai Rameswar Teli chu Duliajan bialah a ding thung ang a. BJP State President hlui Ranjeet Kumar Dass chuan Bhowanipur-Sobhog seat a chuh dawn a, Assembly Speaker Biswajit Daimary chuan Tamulpur bial a chuh bawk ang.

Assamah hian April ni 9 ah inthlan thawhkhatna neih a ni ang.

Hetihlai hian Keralam Assembly inthlan atana an candidtate list pahnihna nimin khan BJP chuan an ti chhuak bawk a. Candidate 39 zingah hian Keralam BJP state President hlui Kummanam Rajasekharan chuan Aranmula bial a chuh dawn a. Ashwini ML chuan Kasaragod a chuh ang a, Kongad ah Renu Suresh leh Changanassery bialah B Radhakrishna Menon te an ding ang.

